

# La carta de San Pablo a los Gálatas

## Galacia sita gānare Pablo ĩ papera cōare gaye

**1** <sup>1-2</sup>Ñati Galacia gāna m̄ua. Jesucristore t̄uor̄ũnũ s̄uyarã ñari, ĩ ocare riasotirona minijuasotirã yirãji m̄ua. Yũ ña Pablo adi papera m̄uare cōagũ. ĩ oca yũ goti ucutoni yũre cũñi Jesucristo. Masa ĩna cũru meje ña yũ. Dios oca yũ goti ucutoni yũre cũbiticã masa. Dios, Jesucristo Jacũjua yũre cũñi. ĩti ñami Jesús ĩ t̄udi catiroca yirũ. Yũ s̄ĩgũ meje adi papera m̄uare cōa yũ. Yũ rãca gāna, adojũ Jesucristore t̄uor̄ũnũrã c̄uni, “Quenajaro”, yĩ ñucama ĩna m̄uare. <sup>3</sup>Queno m̄uare yijaro mani Jacũ Dios. Mani Ƴjũ Jesucristo c̄uni queno m̄uare yijaro ĩ. Ito yicōri m̄ua ya Ƴsi queno wanũ quenaroca yijaro ĩna. Ito bajiro m̄uare yijaro yirocũ Diore seni ĩsia yũ. <sup>4</sup>Mani Jacũ Dios ĩ ãmoro bajiro yigũ ñari, mani ñeñaro yirise waja, waja yirocũ manire goda ĩsiñi Jesucristo. Ito bajiri adi r̄um̄uri c̄uni ñeñaro yirã robo bajiro mani bajibe yirocũ, manire ejabua masiguĩji Jesús. <sup>5</sup>“Ito bajiro yami ĩ”, yĩ masicōri, Diore r̄ũcũb̄uotĩñarũja manire. “R̄etoro quenagũ ñami Dios”, yĩ tuoĩarũja manire. Ito bajiroti tuoĩatĩñarũja manire.

## Jesucristore mani t̄uor̄ũnũrena s̄uoriti manire masogũ yiguĩji Dios, yire oca

<sup>6</sup>Manire ti maicōri manire beseñi Dios. Cristore mani t̄uor̄ũnũja ticōri, manire masoñi ĩ. Ito bajiro manire ĩ yire ñabobarocati, yoari mejeti ĩre jidicã ãmoa m̄ua. Ito yicōri gaje ocajũare t̄uor̄ũnũna m̄ua. “Ito bajiro bajicã Galacia gāna”, masa ĩna yija tuocōri, Ƴcacũ yũ jabeto. <sup>7</sup>Dios oca riti ña riojo gotire gaye. Ñe gaje oca b̄uto b̄usa quenasarise manoja. Jesucristore mani t̄uor̄ũnũrena s̄uoriti manire masogũ yiguĩji Dios. Ñejuana gaje manire maso masibiquĩji Dios. Ito bajibobarocati m̄ua tũ gāna ricati m̄uare oca riasorã yirãji ĩna. Ito yicōri ĩna robo bajiro m̄ua tuoĩajaro yirona, m̄uare Ƴsirio coderã yirãji ĩna. <sup>8</sup>M̄ua tũjũ yũ ñaja, quenarise Dios ocare, ñaro bajiroti m̄uare riasocũ yũ. Ricati ruore oca m̄uare yũ riasoja, jeame Ƴjũroju yũre cōa masiguĩji Dios. No adi tuti gagũ, ito yicōri ĩmacũjũ Dios

ñaro gagu cuni ricati ruore oca ñna riasoja, jeame ñjuroju ñnare cõaguñi Dios. <sup>9</sup>Yu gotisuoro bajiroti mucana juaji goti quenogũ ya yu. No Dios oca quenarisere jidicãcõri gaje oca ñna riasoja, jeame ñjuroju ñnare cõa masiguñi Dios.

<sup>10</sup>Ito bajiro yu riasoja, masa yure ñna wanutoni meje riasoa yu. Yure Dios wanujaro yirocu, ito bajiro riasoa yu. Iti rumuju masa yure ñna wanutoni gaje oca riasocu yu maji. Iti rumuju masa ñna wanutoni yu goticato bajiro yu gotibojaja, Cristo ñ amoru bajiro meje yigu ñaboguja yu. Ito yicõri ñre moa ñsiri masu meje ñaboguja yu.

### Ado bajiro apóstol ñasucocu yu, Pablo ñ yire gaye

<sup>11</sup>Queno tuoya yu ñarã muu. Riti muare gotia yu. Jesucristo oca yu riasorise masa ñna tuoia rujeore meje ña. <sup>12</sup>Iti oca quenarise yu masiroca yibiticã masa. Ito yicõri iti oca yure riasobiticã masa. Jesucristoama ñmasiti yu masiroca yiqui ñ.

<sup>13</sup>Iti rumuju gna judio masa tuoiare gaye riti rucubucocu yu maji. Ito yu bajigore tuogoana ña muu. Iti rumuju Jesure tuorunurãre ñeñaro ñna tõbujaroca yicu yu. Ito bajiri ñnare ti maicõri meje, ñnare suyacu yu. Ito yicõri ñnare ruyurio amogũ yibojacu yu. <sup>14</sup>Yu mamu ñagũ, gna judio masa tuoiare gaye queno rucubucocu yu. Gna masa bucunã ñna rotire gayere yu rãca corocõ tujarã rëto busaro queno cudicu yu. <sup>15</sup>Ito bajiro yu bajibojarocati, yure amogũ beseñi Dios. Iti rumuju yu rujearoto riojuju yure beseñi Dios. Yure ti maicõri, “Ñni Pablo ñ bucunaja, yu yagu ñagũ yiguñi ñ”, yu tuoiacõri yure beseñi Dios. <sup>16</sup>Ito bajiroti Dios ñ amoru rumu, ñ Macu Cristore yu masiroca yini ñ ñja. Ito bajiri adocãta, “Dios Macuti ñami Cristo”, yu tuoia masia yu ñja. Ito bajiro yu masiroca yini Dios, judio masa mejere cuni ñ oca yu goti ucutoni. Iti tuo masicõri, “¿No bajiro yigu yigujada yu?” yu seniãbiticu yu gãjerãre. <sup>17</sup>Ito yicõri yu riojuu Jesucristo ñ cunare cuni seniãrocu, Jerusalenju wabiticu yu. Ado bajirojuu yicu yu. Yoari mejeti Arabia wame cutiri sitaju masa manuju tuoiarocu wacu yu. Ito bero Damasco cutuju tudi ejacu yu.

<sup>18</sup>Itoju udia rodo ñacõri, Pedro rãca busirocu Jerusalenju wacu yu ñja. Itoju ejacõri quince rumuri ñ rãca ñacu yu. <sup>19</sup>Itoju ñagũ gãjerã Jesús ñ cunare tibiticu yu. Pedro, mani Uju ocabaji Santiagore cuni, ñna juarãti ticu yu. <sup>20</sup>Dios ñ tiro riojo adire uca yu. Ruobea yu muare. Ado yu ucarise riti ña.

<sup>21</sup>Jerusalenju yu ñaja bero Siria wame cutiri sitaju wa ucucu yu. Ito yicõri Cilicia wame cutiri sitaju cuni wa ucucu yu. <sup>22</sup>Yoari mejeti Judea sitaju yu ñajare, yure queno masi jedibiticã ito gãna maji. Ito bajiri ito gãna Jesure tuorunurã, yure queno masibiticã ñna maji. <sup>23</sup>Gãjerã ñna busire riti tuori seyoñi ñna. “Manire ñeñaro ñ yu amõrise jidicãcõri gaje mame tuoiare ña ñre ñja. Iti rumuju Jesure mani tuorunuja ticõri, manire sãa amõni ñ maji. Adi rumuriama manire bajiroti Jesucristore tuorunugũ yiguñi ñ cuni”, masa ñna yija, tuori seyoñi Judea sita gãna. <sup>24</sup>“Jesucristore tuorunugũ ñami Pablo ñja”, masa ñna yija tuocõri, Diore queno rucubucore ocana busiñi ñna.

### Apóstol mesa Pablöre ina boca ãmire gaye

**2** <sup>1</sup>Catorce rodori bero macana Jerusalénju wacu yu, Bernabé rãca. Ito yicõri Tito wame cutigu cuni baba cuti waquĩ gna rãca. <sup>2</sup>Dios yure ito bajiro i wa rotijare Jerusalénju wacu yu. Itoju ejacõri Jesure t̃uorũnurãre ũmatã ñarã rãca riti busirocu, ña rãca minijuacu yu. Ado bajiro ñare goticu yu: “Masa ñajedirore maso ãmoguĩji Dios. Ito bajiri judio masa mejere cuni i oca quenarise goti ucua yu”, yicu yu Jesure t̃uorũnurãre ũmatã ñarãre. Ito bajiro goticu yu ñare, yu t̃uoĩaro bajiro t̃uoĩacõri, “Riti oca quenarise goti ucua Pablo”, yure ña yitoni. <sup>3</sup>Ito bajiro yu gotija bero sigũre bajiro riti t̃uoĩacu gna ija. Ito bajiri sigũre bajiro t̃uoĩacõri, yu rãca gagu Titore wirotibiticã ña ija. Judio masu meje Tito i ñabojarocati, “Gua judio masa yisotiro bajiro wirotarũja mure”, yibiticã ña ire. <sup>4</sup>Gãjerãma, “Jesure t̃uorũnurã ña gna”, yi ruorã Titore wirotibojacã ña. “¿No bajiro yati, Jesure t̃uorũnurã? Ito yicõri, ¿bucurã masa rotire cudiatu ña?” yi seniãrona, guare ruorã gna rãca minijuacã ña. Gna rãca minijuacõri, “Bucurã masa ña yisotiro bajiro yirũja manire”, yibojacã ña guare. <sup>5</sup>Ito bajiro ña yibojarocati ñare cudibiticu gna. Ito yicõri ña rotibojarisere cuni cudibiticu gna. Jesure riti mani t̃uorũnurãja manire masogu yiguĩji i. “Bucurã rotirisere mani cudija, manire masogu yiguĩji Dios”, mua yi t̃uoĩabititoni, guare ña rotibojarocati cudibiticu gna.

<sup>6</sup>“Ito bajiro riasoami Pablo”, yicõri, “Gaje ado bajiro mu riasoja quena”, yure yibiticã Jesure t̃uorũnurãre ũmatã ñari masa. “Ujarã ñasarã ñarãji ña”, yi t̃uoĩa giibiticu yu. Ñare i beseado bajiroti yure cuni beseñi Dios. Coro bajiroti manire ti maiami Dios. <sup>7</sup>Ujarã ado bajiro yicã yure: “Dios i curu ña mu cuni. Judio masa mejere cuni Jesús oca quenarise mu goti ucutoni mure curi seyoñi Dios”, ya gna. “Iti rumũju Pedrorẽ cuni Dios, judio masare oca quenarise i gotitoni. Ito bajiroti mure cuni curi seyoñi Dios, judio masa mejere cuni mu goti ucutoni”, yi t̃uoĩa gna, yicã ujarã yure. <sup>8</sup>Riti ña. Pedrorẽ cuni Dios, judio masare oca quenarise i goti ucutoni. Ito bajiroti cuni Dios yure cuni, judio masa mejere yu riaso ucutoni.

<sup>9</sup>Ito gãna Jesure t̃uorũnurã ujarã Santiago, Pedro, Juan cuni ado bajiro yicã ña yure: “Dios imasiti mure queno yirocu curi seyoñi, i oca judio masa mejere cuni mu riaso ucutoni. Ito bajiri ñare riaso ucuruja mu. Guareama judio masare i oca riasotoni guare cuni Dios. Ito bajiri ñare riasorãona ña gna. Ito yicõri coro bajiroti Diore moa isirũja mani”, yicã ña yure. Ña ito yija t̃uocõri, sigũre bajiro riti t̃uoĩacu gna ija. Ito bajiri yure, yu rãca gagu Bernabé cuni ãmo ñia wanucã ña. <sup>10</sup>“Bojoro bujarãre queno ejabũya mua”, yicã ña guare. Ito bajiro ña yija t̃uocõri, wanure rãca cudicu gna ija. Iti riti roticã ña guare.

### Pedrorẽ Pablo i goti quenore gaye

<sup>11</sup>Antioquãju yu ñaroca Pedro cuni ejaquĩ. Itoju ejacõri queno yibitiquĩ i. Ito bajiri “Iti seti ña mure”, yirocu masa tiro riojo ire goticu yu. <sup>12</sup>Ado bajiro bajicu ire seti. Cajero Antioquãju ejacõri queno yiquĩ Pedro maji. Judio masa meje ñarã

rāca baba cuticōri, ĩna rāca baquĩ Pedro. Ito bajiro ĩ yi ñaroca Jerusalén gāna Santiago ĩ cōana ti ucurā ejacā ĩna cūni. “Judio masa meje ñarā rāca babitiruja mani. Ito yicōri Diore mani cudi āmoja, wirotarujarāji mani”, yi tūoīarā ñacā ĩna. ĩna ejaja ticōri, gūiquĩ Pedro. “Yure tudirā yirāji”, yirocu judio masa meje ñarā rāca tudi babitiquĩ Pedro ĩja. <sup>13</sup>Gājerā judio masa ñarā, Pedro ĩ gūija ticōri, ĩre bajiroti judio masa meje ñarā rāca juaji babiticā ĩna cūni. Ito bajiro ĩna yija tuocōri, “Īnare bajiroti yiruja yure cūni”, yi tūoīaquĩ Bernabé. <sup>14</sup>“Jesure riti mani tuorūnūja manire masogū yiguĩji Dios”, yi tūoīa masibojarāti, bucurā rotirisejūare rūcubūorā bajiro yicā ĩna. Ito bajiro ĩna yija ticōri, gājerā Jesure tuorūnūā ĩna tiro riojo Pedre tudicū yū. Ado bajiro ĩre tudicū yū: “Judio masū ñabojaguti, Jesure mū tuorūnūja bero, mani bucurā ĩna yisotirere jidicāyija mū. Ito bajiro mū yijama queno tūoīayija mū maji. Ito bajibojarocati mūcana adocāta bucurā ĩna yisotire gayere rūcubūogu bajiro ya mū. Ito yicōri judio masa mejere cūni rotiboja mū. ‘Bucurā masa yisotire bajiro yiya mūa cūni’, yirocu ito bajiro ĩnare rotiboja mū. Ito bajiro yibitiruja mure”, yi goticū yū Pedre. Gaje ado bajiro ĩre goticū yū:

**Jesucristore mani tuorūnūja ticōri, mani  
jeyarore masogū yiguĩji Dios, yire gaje**

<sup>15</sup>“Mani jūarā judio masa rujeana ña mani. Gājerā masa, mani bucurā rotire gayere ñeñaro aja tudiana ĩna. ĩna robo ñeñaro yirā meje ña maniana. <sup>16</sup>Ito bajibojarocati, Moisés ñayoru rotire ñarocōti mani cūdija cūni, ‘Queno yirā ñama. Seti ma ĩnare’, yibiquĩji Dios manire. Jesucristore riti mani tuorūnūjama, ‘Queno yirā ñama ĩna’, yigū yiguĩji Dios manire. ĩtore masicōri Dios manire ĩ boca āmitoni Jesucristore riti tuorūnūa mani. ‘Jeyaro bucurā rotirise mani cudi ñabojarocati, Jesure mani tuorūnūbeja, manire boca āmibiquĩji Dios’, yi tūoīa mani. No bucurā rotire riti cudigure, ‘Queno yigū ñami ĩ’, yibiquĩji Dios. Ito yicōri ĩre boca āmibiquĩji Dios”, yi goticū yū Pedre.

<sup>17</sup>“Mani Jesure riti tuorūnūja, manire boca āmigū yiguĩji Dios”, mani yija tuocōri, “Ñeñaro ya mūa”, yirā yirāji mani masa. “Mani bucurā rotire gayere mūa cudibeja, gaje masa ñeñaro ĩna yiro bajiro ya mūa cūni”, yirā yirāji mani masa. Ado bajiro mure seniāa āmoa yū. ¿Mani ñeñaro yiroca, yigū yiguĩjida Cristo? ‘Yibiquĩji’, yi tūoīa yūama. ĩre riti mani tuorūnūja, Dios rotirisere mani cūdiroca yigū yiguĩji Jesucristo. <sup>18</sup>Ado robojūa bajia. “Jesure riti mani tuorūnūja, manire masogū yiguĩji Dios”, yi tūoīa yū. Ito bajibojarocati, iti ocare jidicācōri, “Mani bucurā ĩna rotire gayere mani rūcubūoja, manire masogū yiguĩji Dios”, yū yi gotija, ñeñaro yiboruja yū. <sup>19</sup>Iti rāmūjū ado bajiro tūoīabojacu yū maji. “Mani bucurā ĩna rotirisere ñarocōti mani cūdija, yure boca āmigū yiguĩji Dios”, yi tūoīabojacu yū maji. Ito bajiro tūoīabojaguti, ñarocōti cudi jeo masibiticū yū. Adocāta, “Jesure riti yū tuorūnūja, yure boca āmigū yiguĩji Dios”, yi tūoīa yū ĩja. <sup>20</sup>Adi rāmūriama Jesucristo, ĩti ñami yū Ūjū ĩja. Ito bajiro ĩ āmorise yū yi ñatoni yure gotiami ĩ. Adocāta yū āmoro bajiro meje ya yū. Jesucristo, Dios Macū yure ti maicōri, yū ñeñaro yirise waja,

waja yirocu yure goda isiñi i. Ito bajiri adi rumuri ire tuorunugü ñari, i amoro bajiro riti yi ñasotia yu ija. <sup>21</sup>“Rocati masare yiari i Macure cõabojani Dios”, yi tuoïagü meje ña yuama. “Rëtoro ñasarise ña iti”, yi tuoïagü ña yu. Bucurã ina rotirise mani cudire waja Dios i masoja, Cristo goda isibitiboru manire.

### Diore tuorunure meje ña bucurã ina rotire gaye

**3** <sup>1</sup>Tuoya Galacia gãna mua. Jesucristore jidicãcõri gaje ocajua tuorunurã ñari queno tuoïamena ña mua ija. ¿Nimũ ruore oca goticati muare? Yu goroama muare gotibiticu yu. Iti rumuju mua rãca ñagü, yucutëõju Jesucristo godare gaye oca muare queno goticu yu. Iti oca tuocõri queno rucubucocũ mua maji. Ito bajijobarocati ruore oca riasori masare tuorunucõri, Jesucristore jidicã amoa mua. Ito bajiro mua yija, queno tuoïamena ña mua. <sup>2</sup>Coji gaye muare seniã amoa yu: ¿Moisés ñayoru i rotire gaye mua cudija ticõri, Espiritu Santo quedu sãjacati muare? Ito bajirojua meje baja. Jesucristo oca tuocõri, ire mua tuorunuja bero, muare quedu sãjani Espiritu Santo. <sup>3</sup>¿No bajiatu, mua tuoïarise jedicoati muare? Iti rumuju Jesucristore mua tuorunuja ticõri, mua ya usiju quedu sãjani Espiritu Santo. Ito bajijobarocati, “Bucurã rotire gaye mani tuorunuja ticõri, manire masogü yiguïji Dios”, yi tuoïaboya mua adi rumuri. Itire tuoïabesa mua. <sup>4</sup>¿Muare rëtagore ñajediroti acabojocoati mua? Ito yicõri, ¿Mua tõbujare gaye cuni acabojocati mua? “Itire acabojamenaji ina”, yi tuoïa yu muare. Itire tudi tuoïacõri queno tuoïarã yirãji mua mucana. <sup>5</sup>Espiritu Santo queo sãni Dios muare. Ito yicõri jaje tiyamani, mua tiro riojo ioñi Dios. Judio masa bucurã ina rotire gaye mua tuorunujare ¿ito bajiro yicati Dios? Ito bajiro meje baja. Jesucristo oca mua tuorunujare, ito bajiro yiñi Dios.

<sup>6</sup>Abraham ñayorure tuoïate mua. İama Dios busiriserẽ tuorunuyiju. Ito bajiro i yija ticõri, “Queno yigu ñami Abraham”, yiyiju Dios. <sup>7</sup>Iti ocare tuocõri, ado bajiro yi tuoïa mani: “Mani Abraham ñayoru bajiro Diore tuorunurã ñari, i janerãbatia robo bajirã ña mani ija”, yi tuoïa mani. <sup>8</sup>Jane mejeju iti gaye gotisuoyiju Dios i oca tutina. Ito yicõri judio masa meje ñarã Diore ina rucubucoroti gaye gotisuoyiju Dios. “Judio masa mejere cuni masogü yiguja yu”, yirocu ado bajiro yiyiju Dios Abrahamre: “No gãji mũ robo bajiro yure i tuorunuja ticõri, ñeñaro i yirisere acabojogu yiguja yu”, yiyiju Dios Abraham ñayorure. <sup>9</sup>Diore queno tuorunuyiju Abraham. Ito bajiri ire queno yiyiju Dios. Adi rumuri cuni, no Jesucristore tuorunugũre queno yigu yiguïji Dios.

<sup>10</sup>“Moisés ñayoru i rotiriserẽ yu cudi jeoja ticõri, yure masogü yiguïji Dios”, yi tuoïabojagure, seti ña ire maji. Ito bajiri ire masobiquïji Dios. Ito yicõri ire waja senigü yiguïji Dios. Ado bajiro yi ucañi Moisés ñayoru: “No adi papera tuti rotiriserẽ cudi jeobicure, seti ña ire maji. Ito bajiri ire waja senigü yiguïji Dios”, yi ucañi Moisés ñayoru. <sup>11</sup>Iti oca tuocõri, “Judio masa bucurã rotire gaye cudi jeo masibea mani. Ito bajiri, ‘Queno cudi jeorã ña mua’, yibiquïji Dios manire. Sigü ñarocõti cudi jeogu maquïji”, yi tuoïa masia mani. Ado bajiro yi gotia Dios oca tuti: “No Diore tuorunugũre, ‘Queno yigu ña mũ’, yigu yiguïji

Dios ñre. Ito yicōri ñ catitĩñaroca yigũ yigũiji Dios”, yi gotia Dios oca tuti. <sup>12</sup>Ito bajijobarocati, “Bucurã rotire gaye yũ cudi jeoja, yũre seti manoja”, yirã, Diore tuorũnurã meje ñama ñaõna. Diore tuorũnure meje ña bucurã rotire gaye mani tuorũnũja. Ado bajiro yi ucañi Moisés ñayoru: “No adi tuti rotirise cudi jeoguti, seti manicōri Dios rãca queno ñagũ yigũiji ñ”, yi ucañi Moisés ñayoru.

<sup>13</sup>Ito bajijobarocati ñarocōti bucurã rotire gaye cudi jeo masibea mani. Ito bajiri seti jaje ña manire. Ito yicōri jairo ñeñaro yirise waja, waja ruyurioa mani. Itire masicōri, mani ñeñaro yirise waja, waja yi ñsirocũ goda ñsiñi Cristo. Ado bajiro yi gotia Dios oca: “Yucũgũju sũgũre ña sĩa yoja, seti cutigũ ñagũiji ñocũ”, yi gotia Dios oca tuti. Mani ñeñaro yirise waja, manire waja yi ñsirocũ yucũtũõju goda ñsiñi Cristo. <sup>14</sup>Jane mejeju ado bajiro goticãiyũ Dios Abraham ñayoru: “No mure bajiro yũre tuorũnurãre, queno yigũ yigũja yũ”, yiyijũ Dios Abraham ñayoru. Judio masa mani ñaja, judio masa meje mani ñaja cuni, Jesucristore mani tuorũnũja manire masogũ yigũiji Dios. Ito yicōri ñ goticato bajiroti Espĩritu Santo queo sãgũ yigũiji Dios manire.

### Ado bajiro yicũja yũ, Dios ñ yire gaye

<sup>15</sup>Queno tuoya yũ ñarã mua. Goti masiore ocana muare gotigũ ya yũ. “Ñ yiro robo yibisĩ ñ”, gãjerã yibe yirona, “Ado bajiro yicũja yũ”, yi ucasotia mani. Ito bajiro mani yi ucajare, “Meje ñ yiro bajiro yibisĩ ñ”, yi masimenaji gãjerã. Mani ucaçare ñajare, busi remo masimenaji ña ñja. <sup>16</sup>Jane mejeju cuni, “Ado bajiro yicũja yũ”, Abrahamre Dios ñ yija, ucare ña iti cuni. Ado bajiro Abraham ñayoru: “Goticãni Dios: “Sĩgũ mũ janamina suoriti masa jeyarore queno yigũ yigũja yũ”, yĩni Dios Abraham ñayoru. “Mũ janerãbatiana suoriti masa jeyarore queno yigũ yigũja yũ”, yibisĩ Dios. “Sĩgũ mũ janamina suoriti”, ñ yija, “Jesucristona suoriti”, yireoni ña iti. <sup>17</sup>Mua queno tuo masitoni muare goti rãtobugũ ya yũ. Ado bajiro goticãni Dios Abrahamre. “No mũ robo yũre tuorũnũgũre, ñre masogũ yigũja yũ”, yi goticãni Dios ñre. Ito yija cuatrocientos treinta rodori bero ñ rotirise Moisésna cũyijũ Dios, judio masa ña cudi jaro yirocũ. Ito bajiro yigũ, “Jane mejeju Abrahamre yũ gotiyocaire jidicãcōri gaje wasoagũ ya yũ”, yirocũ meje yiyijũ Dios itire. Ito bajiri, “Abrahamre ñ gotiyorere jidicãcōni Dios”, yi tuoĩabea mani. <sup>18</sup>Moisés rotirise mani cudi jeore waja meje manire masogũ yigũiji Dios. Ñarocōti Moisés rotirise cudi jeo masibea mani. ñ rotirise mani cudi wajana suoriti manire Dios ñ masoja, Abraham ñayoru Dios ñ goticãre rocati bajiro ñaboroja iti. “Yũre mũ tuorũnũja, mũre queno yicũja yũ”, yicãni Dios Abrahamre. Ito bajiri Abraham ñayoru robo bajiro Diore mani tuorũnũja manire masogũ yigũiji ñ.

<sup>19</sup>Ito bajicōri, ¿no yija ñ rotirisere cũyijari Dios manire? Ado roboja baja. “Dios rotirisere cudi jeo masibea yũ. Ñeñaro yi jaigũ ña yũ”, mani yitoni ñ rotirisere cuni Dios manire. Ito bajiri, “Sĩgũ mũ janamina suoriti masare masogũ yigũja yũ”, Abrahamre yirũ ñ ejaroto rioja ñ rotire ñacãyijũ manire. Dios ñmasiti, Moisésre gotibisijũ ñ rotirise. ñ ñaro gãna ángel mesare Moisésre goti rotiyijũ Dios. ña gotija tuocōri, judio masajũare gotiyijũ Moisés mũcana. <sup>20</sup>“Sĩgũ mũ janamina suoriti

masare masogũ yigũja yu”, Dios i yija, imasiti Abrahamre gotiyiju. Iti gayereama angel mesare goti rotibisiju Dios. Imasiti Abraham ñayorare gotiyiju Dios.

“Ñeñaro yigu ña yu”, mani yi tuoiatoni, i rotirise manire cũini Dios, yire gaye

21 ¿Moisésre i rotire gaye i curoca Abrahamre i goticãrere jidicãyijari Dios? Meje i goticãrere jidicãbisiju Dios. Ado robojua baja. Catitĩnare gaye mani bujatoni meje i rotirise cuyiju Dios. I rotirisere cudi jeo masibea mani. Ito bajiri, “Cudi jeorã ña mua. Queno yirã ña mua”, yibiquiji Dios manire. I rotirise mani cudi jeoja ticõri, “Queno yirã ña mua”, yiboguiji gajea. 22 Ito bajibojarocati cudi jeo masibea mani. Dios oca tuti gotiado bajiroti baja iti. “Masa jeyaro ñeñaro yama ña. Sigũ rayabeto seti cutirã ñama ña”, yi gotia Dios oca. I rotirise cudi jeo masibea mani. Ito bajibojarocati jane mejeju Abrahamre Dios i goticãrena suoriti manire maso masiguiji Dios. Jesucristore mani tuorũnũja ticõri, manire masogũ yiguiji Dios, i goticãdo bajiroti.

23 Ito ruma, “Jesucristore yu tuorũnũja ticõri, yure masogũ yiguiji Dios”, yi masibiticu mani maji. Itire mani masiroto riojua, “Dios i rotirise riti ña mani cudiroti”, yi tuoiacu mani maji. Ito bajibojarocati Dios i rotirise cudi amobojarãti, cudi jeo masibiticu mani. 24 Jesucristo ejaroto riojua Dios i rotirisere riasoticu mani. Itire riasoticõri, “Ñeñaro yigu ña yu. No bajiro ñeñaro yu yirise jidicã masibea yu”, yi tuoiacu mani maji. Ito bajiro tuoiacu mani maji Jesucristo i ejaroto riojua. Adi rumariama, “Jesucristore yu tuorũnũja, yure masogũ yiguiji Dios. Ito bajiri i rãca queno wanu catitĩnagũ yigũja yu”, yi tuoia mani ija. 25 Adi rumariama Jesucristore riti tuorũnũrũja manire. Ito bajiri, “Judio masa bucũrã rotire gaye yu cudi jeoja, yure masogũ yiguiji Dios”, yi tuoibitirũja manire ija.

26 Tuoya mua. Jesucristore tuorũnũrã ñacõri adocãta Dios rã ña mua cũini ija. 27 Jesucristore tuorũnũcõri, idẽ gu rotiyija mua cũini. Ito bajiro mua yija ticõri, Jesucristo queno i yi ñado bajiro mua queno yi ñaroca yami Dios muare. 28 Sigũ robo bajiro ti maiguiji Dios manire. Sigũre bajiro tuoiaõri Jesucristore tuorũnũa mani. Ito bajiro mani yija ticõri, itina suoriti manire masoñi Dios. Co masa bajiroti masoñi Dios manire. Tite mua, jeyaro ña mani. Judio masa, judio masa meje cũini ña mani. Moa isiri masa, moa isiri masa meje cũini ña mani. Romia, umua cũini ña mani. Jeyaro mani masa wusabojarocati Jesucristore mani tuorũnũja ticõri, co masa bajiroti masoñi Dios manire. 29 Ito yicõri, judio masa meje ñabobarãti, Jesucristore mua tuorũnũja Dios ñarã ña mua cũini ija. Ito bajiri i ñarã mua ñaja, yu bajiroti, Abraham ñayoru janerãbatia ña mua cũini ija. Ito bajiri, “Mu janerãbatiare queno yigu yigũja yu”, Dios Abrahamre i goticãdo bajiroti muare cũini queno yigu yiguiji Dios ija.

**4** 1 Macana gaje muare goti remoa yu. Coriarã ado bajiro yama ña macu ñasugure: “Macu, mu jai tujaroca jeyaro yu rucorise mu yeti ñaro yiroja”, yama coriarã, ña macu ñasugure. Macuacã ñagũ, jai tujabicu i jacu ye gajeonire rucõ masibiquiji maji. Ito bajiri ija rucorocũ ñabojaguti, i rucoroto riojua i jacure moa isiri masu bajiro bajiami i maji. 2 Macuacã i ñaroca i jacure

moa ñsiri masa ñre coderã yirãji. Ito yicõri ñja ñ rucorotire cuni coderã yirãji ñna. “Yũ macũ ñ jai tujaroca jeyaro yũ rucorise ñre ñsima”, jacũ ñ yiri rũmũ ejaroca ñre ñsirã yirãji ñna. Ito bajiri moa ñsiri masũ bajiro meje bajigũ yigũji ñ ñja. <sup>3</sup>Mani cuni Jesucristore mani tuorũnũroto riojuaju ito bajiroti bajibojacu maji. “Bũcurã rotire yũ cudi jeobeja quenabeto tũbujagu yigũja yũ”, yĩ tuoĩabojacu mani. Ito bajiri Cristore masibiticõri rũmũare moa ñsirã bajiro bajirã ñnacũ mani maji. <sup>4</sup>Ito bajiro mani bajibojarocati, “Masare yiarĩ yũ Macũre cõagũ yigũja yũ”, Dios ñ yiri rũmũ ejayija ñja. Ito bajiri Dios Macũ ñabojaguti, romiona rujeañi Jesucristo. Ito yicõri judio masũ rujeañi ñ. <sup>5</sup>“Bũcurã masa ñna rotire gaye yũ cudibeja, quenabeto tũbujagu yigũja yũ”, yĩ gũa masa tuoĩabojarocati, manire yiarĩ ñ Macũre cõañi Dios. ñ rĩa mani ñatoni manire masorocũ ñ Macũre cõañi Dios.

<sup>6</sup>Ito bajiri Jesucristore mani tuorũnũja, Dios rĩa ña mani ñja. ñ rĩa mani ñajare ñ Macũ Jesucristona sũoriti, manire Espĩritu Santo queo sãñi Dios. Ito bajiri, “Cũna, yũ Jacũ”, ya mani Diore. <sup>7</sup>Diore tuorũnũcõri, “Bũcurã rotire gaye yũ cudibeja, quenabeto tũbujagu yigũja yũ”, yĩ tuoĩabea mani ñja. Dios rĩa ña mani ñja. Ito bajiri, Abraham ñayorũre, Dios ñ gotiado bajiroti manire masocõri, manire queno yigũ yigũji Dios.

### Jesure masirãre Pablo ñ tuoĩa oca jaire gaye

<sup>8</sup>Tũoya mũa. Iti rũmũju Diore masibisija mũa maji. Diore masibiticõri, bũcurã masare rũcũbuoyija mũa. Dios meje ñna ñabojarocati bũcurã ñayoanare rũcũbuobojayija mũa. “Ñna rotirise mani cudibeja, quenabeto tũbujarã yirãji mani”, yĩ tuoĩa gũiyija mũa maji. <sup>9</sup>Adi rũmũriama Diore masirã ña mũa cuni ñja. Ito bajijare Dios ñmasiti mũare ti masiami ñja. Diore tuorũnũcõri bũcurã rotire gaye jidicãcũ mũa. Ito bajibojarocati yũ tuoja, bũcurã ñna rotire gaye rũcũbuoyija mũa mũcana. “Bũcurã rotire gaye mani cudibeja, quenabeto tũbujarã yirãji mani”, ¿yĩ tuoĩa gũi ãmoati mũa mũcana? <sup>10</sup>Ado bajiro tuoĩabojarãji mũa mũcana: “Judio masa ñna rotirere mani rũcũbuoja, manire masogũ yigũji Dios”, yĩ tuoĩabojarãji mũa. Ito bajiro tuoĩabojacõri, “Adi rũmũ rũcũbuora rũmũ ña, adocõ ñami gagũ ñ tujaroca adocõ jue iti tujaroca, ito yicõri adocõ cũma iti tujaroca rũcũbuoroti ña”, yĩ tuoĩabojarãji mũa. <sup>11</sup>“Mũare riasobojacu yũ”, yiadoti bajia yũre ñja. Ito bajiro mũa bajija tuocõri, bojori bũja yũ.

<sup>12</sup>Yũ mairã, mũare queno gotia ãmoa yũ. Jesucristore tuorũnũcõri, gũa judio masa bũcurã tuoĩare gaye jidicãcũ yũ. Yũ robo yiya mũa cuni. Jesucristore riti tuorũnũña mũa. Ito yicõri bũcurã tuoĩare gaye jidicãña mũa. Iti rũmũju ito bajiro mũare yũ riasoja, queno yũre boca ãmicũ mũa maji. <sup>13</sup>Mũa masia, cajero Jesucristo oca mũare yũ riasoja cõ ñnacũ yũ. <sup>14</sup>Cõgũ, yũ ñabojarocati, yũre ti tebiticũ mũa. “Cõgũ wadiami”, yibojarãti, queno yũre boca ãmicũ mũa. Ado bajiro yicũ mũa. Dios ñaro gagũ ángelre boca ãmirã robo bajiro, queno yũre boca ãmicũ mũa. Ito yicõri Jesucristore boca ãmirã robo bajiro queno yũre boca ãmicũ mũa. <sup>15</sup>Mũa tũju yũ ñaroca queno wanũ quenacu mani maji. “Queno wanũmenaji ñna”, yĩ tuoĩa yũ mũare. Iti rũmũju yũre ti maicõri, queno yũre ejabũa ãmocũ mũa



maji. “Mua ya cajea mua rua masija, yure ïsibocu mua”, yi tuoia yu muare. <sup>16</sup>Oca quenarise riti riojo muare goticu yu. Iti yu gotijare zuyere ti teati mua ïja?

<sup>17</sup>Judio masa rotire gaye oca muare riasoana, muare queno yi amorã meje ñarã yirãji ïna. Muare queno yirona meje baba cutirãji ïna. Ito bajiro muare ruorãji ïna, yure mua jidicãtoni. Ito yicõri ïnare riti mua tuorũnure amorãji ïna. <sup>18</sup>Riti, muare queno yi amorã ïna ñajama, muare baba cutirona wanure oca rãca ïna busija, quena ñaroja. Ito bajirojua yiruja ïnare. Mua tujy yu ñaja, mua tujy meje yu ñaja cuni, ito bajiro riti yiruja ïnare. <sup>19</sup>Yu mairã, yu rãa robo bajirã ña mua. Muare buto tuoia ña yu. Romia ïna ruoroto riojua buto tuoia bujatomenaji ïna. Ito bajiroti muare tuoiacõri, bujato bajaia yu cuni. Gaje mua tuoiasuore jidicãcõri, Jesucristore riti mua tuorũnuroto riojua, muare tuoia ñagũ yiguja yu. <sup>20</sup>Mua tujy oca quenorocu mua rãca ña amoboja yu. Muare buto tuoia usirioa yu. Ito bajibojarocati sõju ñacõri ñe gaje muare goti ejabna masibe a yu ïja.

### Sara, Agar ïna bajire gaye

<sup>21</sup>Tuoya yu ñarã mua. “Moisẽs ñayoru ï rotire mani cudija, manire masogũ yiguiji Dios”, yi tuoïabojarãji mua. ï rotiyorere queno tuo masibe a mua. <sup>22</sup>Ado bajiro yi ucare ña: “Ëmua jũarã rãa cutiyiju Abraham ñayoru. ï manojore moa ïsiri maso, Agar wame cutigo, sigũ macu cutiyijo iso. ï manjojo ñasago cuni sigũ macu cutiyijo iso”, yi ucare ña iti gaye. <sup>23</sup>Romia gãjerã ïna macu ruoroto bajiroti macu cutiyijo Agar cuni. Sara bucojuama, Dios ï gotiado bajiroti, rãa mani waro ñabojagoti, sigũ macu cutiyijo iso cuni ïja. <sup>24-25</sup>Iti oca muare goticõri, iti oca gayere queno muare goti masio amoa yu. Ado bajiro bajaia iti oca. ïna romia jũarãre rãtare gaye tuoïacõri, juaji Dios ï goticãre gaye cuni tuoïarã yirãji mani. Arabia sitaju, Sinaï wame cutiricu gãtagũ joeju Moisẽs ï rotiritire ïsiyiju Dios. Iti gãtagũ judo gago ñayijo Agar ñayoro. Gãjerãre moa ïsiri maso ñayijo iso. Iso janerãbatia cuni gãjerãre moa ïsiri masa riti ñayijarã ïna. Noa, “Moisẽs ï rotirere mani cudi jeoja, manire masogũ yiguiji Dios”, yi tuoïarã ïna ñama Agar janerãbatia ñayoana robo bajiro tuoïarã. Rãmũare moa ïsiri masa bajiro bajiamã ïna. Ito bajiro bajibojama yu ñarã judio masa. Moisẽs rotirisere cudi amobojarãti, cudi jeo masibeama ïna. Ito bajiri Diore tuorũnũmena ñari, Agar janerãbatia ñayoana robo bajirã ñama, yu ñarã Jerusalén gãna. <sup>26</sup>Maniama Sara janerãbatia ñayoana robo bajirã ña mani. Gãjerãre moa ïsiri maso meje ñayoyijo Sara. Jesucristore tuorũnũcõri, rãmũare moa ïsirã meje ñarãji mani ïja. “Judio masa bucuãrã rotire gaye yu cudi jeobeja, yure masobiquiji Dios”, yi tuoia guirã meje ña mani ïja. “Jesucristore yu tuorũnũja, yure masogũ yiguiji Dios”, yi tuoia wanurã ña maniama ïja. <sup>27</sup>Sarare tuoia yugu ado bajiro ucañi Diore goti ïsiri masu:

Rãa mani waro tuoya mu. Rãa maco ñabojagoti, queno wanu quenaña mu. Junirise tuoïabiticõri, wanu quenaña mu. Jãjarã mu janerãbatia cutiroca yigu yiguja yu. Mure moa ïsiri maso rãtare janerãbatia cutigo yigoja mu, yiyiju Dios ï oca tutina.

<sup>28</sup>Yñ ñarã, Dios ï gotiado bajiroti macu cutiyijo Sara, Abraham manajo. Isaac wame cutigü ñayijü iso macu. Mani cüni Jesucristore t̃uor̃üñc̃öri, Dios r̃ia ña mani ïja. Abrahamre Dios ï gotiado bajiroti ï r̃ia ña mani cüni ïja. <sup>29</sup>“Esp̃ritu Santona suoriti macu cutigo yigöji Sara”, Dios ï gotiado bajiroti Isaac wame cutigü macu cutiyijo iso. Isore moa ïsiri maso macu buto ti tudiyijü Isaacre. Adi r̃um̃uri ito bajiroti bajia manire cüni. Jesucristore mani t̃uor̃üñja ticöri, manire ti tudirã yirãji Moisés rotiyore r̃uc̃ub̃uorã. <sup>30</sup>Abrahamre Dios ï busiyore gotia Dios oca tuti. Abrahamre ado bajiro yiyijü Dios: “M̃u manojore moa ïsiri masona m̃u macu cutirü m̃u ya gajeonire r̃uc̃obicu yiguïji ï. M̃u manojona m̃u macu cutirüja ï ñagü yiguïji m̃u ya gajeoni r̃uc̃orocü. Ito bajiri m̃u manojore moa ïsiri maso, iso macure cüni bucõaña m̃u”, yi gotiyijü Dios Abrahamre. <sup>31</sup>Yñ ñarã, moa ïsiri maso janerãbatia meje ña mani. “Judio masa bucürã rotire gaye yñ cüdi jeobeja, yñre masobiquïji Dios”, yi t̃uoïa güirã meje ña mani ïja. “Jesucristore yñ t̃uor̃üñja, yñre masogü yiguïji Dios”, yi t̃uoïa masirã ña mani ïja. Ito bajiri Sara ñayoro janerãbatia robo bajirã ña mani cüni.

### Ñeñarise mano quenarisena riti ñaña m̃ua, yire gaye

**5** <sup>1</sup>Ito r̃um̃ujü r̃um̃üre moa ïsiri masare bajiro mani bajibojarocati, manire masoñi Cristo. Ñre mani t̃uor̃üñja ticöri, manire masoñi ï. Ito bajiri buto busa ïre t̃uor̃üñruja manire. Ito yicöri, “Bucürã ïna rotire gaye yñ cüdi jeobeja, yñre masobiquïji Dios”, yi t̃uoïa güibitirüja manire. Ito bajiro mani t̃uoïabojaja, m̃ucana r̃um̃üre moa ïsiri masa bajiro bajirã ñarã yirãji mani.

<sup>2</sup>T̃uoya m̃ua. M̃uare ado bajiro gotisagu ya yñ: “Bucürã rotiro bajiro, wiro yñ ta rotija, yñre masogü yiguïji Dios”, ¿yi t̃uoïati m̃ua? Ito bajiro m̃ua t̃uoïabojaja m̃uare maso masobiquïji Cristo. <sup>3</sup>M̃ucana m̃uare goti quenogü ya yñ. No, “Bucürã rotiro bajiro wiro yñ ta rotija, yñre masogü yiguïji Dios”, yi t̃uoïagü, ñarocöti rotirise gaye cüdi jeorujami ïocu. Ito bajibojarocati ñimujüa cüdi jeogu maquïji. <sup>4</sup>“Yñ ñeñaro yirise waja, waja yirocud judio masa bucürã rotire gaye cudicuja yñ”, yi t̃uoïabojarãji coriarã. Ito bajiro t̃uoïarã, Jesucristore jidicãcöri ïre t̃uor̃üñrã meje ñama ïnaöna. Ito yicöri Dios ïnare masorocü, ï queno yi ãmbojarisere boca ãmimenajï ïna. <sup>5</sup>Esp̃ritu Santo ï ejabuarisena Jesucristore t̃uor̃üñua maniamã. Ito bajiro Jesucristore mani t̃uor̃üñja ticöri, “Queno yirã ña m̃ua”, yigu yiguïji Dios manire. Ito bajiro ï yija, “Manire masogü yiguïji Dios”, yi t̃uoïa mani ïja. <sup>6</sup>Wiro mani taja, mani tabeja cüni ñasarise meje ña iti. Itina suori meje manire masogü yiguïji Dios. Cristore mani t̃uor̃üñja, ito yicöri gãjerãre mani ti majja, iti ña ñasarise. Ito bajiro mani yija ticöri, manire masogü yiguïji Dios.

<sup>7</sup>Jesucristore t̃uor̃üñsucöri, ï ãmoro bajiroti queno cüdiyija m̃ua maji. Adi r̃um̃uriamã ïja, ï oca ñasarisere queno cüdicea m̃ua. ¿Ñimü Jesucristo ocare m̃ua jidicãroca yicati m̃uare? <sup>8</sup>“Dios meje ï ocare ïna jidicãroca yini”, ya yñ m̃uare. Dioti ñami manire besecöri Jesucristo ocare mani t̃uor̃üñuroca yirü. <sup>9</sup>Naju wadarise uco gayere t̃uoïate m̃ua. Naju cujare jabeto uco mani wñoja, queno wusa quenaroja. Ito bajiroti bajia r̃uore oca

cuni. Ruore ocare tuorünucõri, jājarā itire tuorünurā yirāji. Ito bajiri ruore ocare tuorünucõri jājarā busa cudi warā yirāji masa. <sup>10</sup>“Gājerā muare ruore oca ina gotija, ĩnare mua tuorünume yirocu, muare ejabuagu yiguĭji Cristo. Ito bajiri ĩ oca muare yu riasorisere jidicāmenaji ĩna”, yi tuoĭa yu muare. “No muare ruore oca gotirāre waja senigū yiguĭji Dios ĩnare”, yi tuoĭa yu.

<sup>11</sup>Ado bajiro ruorāji ĩna muare: “Dios rāca queno mani ĩa āmoja, judio masa ĩna rotiado bajiro wirotarūja mani”, yami Pablo manire, yi goti ruorāji ĩna muare. Ito bajiro masare riasobeā yu. Ito bajiro yu riasoja, yure ti tudibitiboana judio masa. Yuama ado bajirojua riasoa: “Mani ñeñaro yirise waja, waja yigu yucutēojū godaņi Cristo. ĩre mani tuorünuja ticõri, manire masogū yiguĭji Dios”, yi riasoa yuama. Ito bajiro yu riasoja ticõri, yure ti tudiana judio masa. <sup>12</sup>Muare ruore oca gotirā, buoro usiriro muare wirotarūja ĩna. Yu tuoĭaja, ĩnamasiti rutaja quenaboyija yureama. Ito yicõri, “Gajerojū ĩna waja, quena ñaboroja”, yi tuoĭa yu.

<sup>13</sup>Yu ñarā, muare beseņi Dios, ĩ ñarā mua ñatoni. Judio masa bucurā rotire gaye muare cudi rotibisija Dios. ĩ rotibitibojarocati, “Yu ya ruju ĩti tuoĭaro bajiro yicuja yu”, yi tuoĭabitiruja muare. Ado bajirojua mua yi ñaja quena. Gājerāre ti maicõri ĩnare ejabuaya mua. <sup>14</sup>Jaje rotire gaye ñaborocati coji gayeti ña buto busa ñasarise. Ado bajiro baja ĩti. “Mu ya rujure mu ti mairo bajiroti mu ñarāre cuni ti maiña”, yi gotia ĩti. Disejua gaje Dios ĩ rotirise rētocūrise manoja. <sup>15</sup>Mua ñarāre mua ti tudija, ĩto yicõri ĩnare mua oca menija, queno ĩna rāca ña masimenaji mua. Ito bajiri ruore oca riasorāre tuorünubesa. Mua ñarā rāca queno mua ña masitoni queno tuoĭaņa.

### **Espíritu Santo ĩ āmoro bajiro mani cudiya quena, yire gaye**

<sup>16</sup>Ado bajiro gotia yu muare. Manire Espiritu Santo ĩ rotiro bajiroti mani cudiya quena. Ito bajiro mani yija, manimasiti mani ya ruju ñeñaro ĩti tuoĭaro bajiro yimenaji mani. <sup>17</sup>Mani ya rujuña ñeñaro mani yi āmorise ĩto yicõri Espiritu Santo ĩ tuoĭarise rāca corocõ meje ñaroja ĩti. Mani ya rujuña buto ñeñaro yi āmoa mani. Ito bajibojarocati mani queno yire āmoguĭji Espiritu Santo. Espiritu Santo ĩ āmoro bajiro mani yija, mani ya ruju ñeñaro yire gaye yimenaji mani ĩja. Ito bajiri mani queno yijaro yirocu, manire ejabuagu yiguĭji ĩ. <sup>18</sup>Espiritu Santo ĩ āmoro bajiro mani yi ñaja, “Judio masa bucurā rotire gaye mani cudiya manire masogū yiguĭji Dios”, yi tuoĭamenaji mani.

<sup>19</sup>“ĩto bajiro ñeñaro yama ĩna ñeñaro tuoĭaro bajiro yirā”, yi ti masirā yirāji mani. Ado bajiro yirāji ĩna. Tite. Manojō cutirā ñaborarāti, gāji manojore ajarāji ĩna. Romia cuni ĩto bajiroti yirāji. Manuju cutirā ñaborarāti, gajeo manujure ajarāji ĩna. Jaje ñeñarise tuoĭarāji ĩna. Ito bajiri jeyaro ñeñaro ĩna yi āmorise yisotirāji ĩna. <sup>20</sup>ĩto bajicõri ĩna meni rujeoanareama rucubhorāji ĩna. Gājerāre rojarāji ĩna. Gājerāre terāji ĩna. Gāmeri tudirāji ĩna. Ito yicõri gājerāre ti tudirāji ĩna. Junisinirāji ĩna. ĩna āmoro bajiro riti yirāji ĩna. Sigūre bajiro tuoĭa āmomenaji ĩna. Rocati oca rujeocõri, gājerā ĩna ña masibeto yirāji ĩna. <sup>21</sup>Gājerā ya gajeonire ti horāji ĩna.

Gājerāre sīarāji īna. Idire idicōri mecūrāji īna. Mecucōri rocati yirāji īna. Ito yicōri jeyaro ñeñarise yirāji īna. Iti rumujū mware yu goticato bajiro mware gotisagu ya yu. No ito bajiro ñeñaro yi uyagu, ūmacūju Dios ī rotiroju ejabicu yiguūji ī.

<sup>22</sup> Espiritu Santo ī āmoro bajiro mani yija, ñeñarise yi yuamenaji mani. Ado bajirojua yirāji mani. Gājerāre ti mairāji mani. Diore tūoīacōri queno wanu quenarāji mani. Ito yicōri mani ya ūsi queno ñaroja manire. Gājerā manire ñeñaro īna yibojarocati īnare tudimenaji mani. Īnare queno yirāji mani. Ito yicōri Dios ī āmoro bajiroti yirāji mani. “Ado bajiro yicūja yu”, mani yicāre ñajare ito bajiroti yirāji mani īja. <sup>23</sup> “Gājerā rētoro queno yigu ña yu”, yi tūoīamenaji mani. Ito yicōri mani ya ruju ñeñaro yi āmorisere yimenaji mani. Ito bajiro yirāji mani, Espiritu Santo ī āmoro bajiro mani tūoīaja. Ito bajiro mani yija ticōri, “Rotirisere cūdirā meje ña mua”, yimenaji gājerā manire. <sup>24</sup> Jesucristo ñarā ñari ado bajiro yi tūoīarāji mani. “Yu ñeñaro yirise waja, waja yigu godaņi Cristo. Ito bajiri yu ya ruju ñeñaro yi āmorisere jidicācūja yu. Ito bajiri ī ejabuajare, mucana ñeñarisere yi yuabicūja yu”, yi tūoīarāji mani. <sup>25</sup> Catitūñare mani bujatonī, Jesucristore mani tūorūnuroca yīni Espiritu Santo. Ito bajiri ī āmoro bajiro yirūja manire.

<sup>26</sup> “Gājerā rētoro masigū ña yu”, yibitirūja manire. Ito bajiro mani yibeja, manire ti tudimenaji gājerā. Ito yicōri mani rāca junisinimenaji īna.

### Gāmeri ejabuaja quena, yire gaye

**6** <sup>1</sup> Yu ñarā, Espiritu Santo ī quedi sājana ña mua. Ito bajiri sigū mua rāca gagu ī ñeñaro yija, ĩre ejabuaya, ī ñeñaro yirise ī jidicātonī. ĩre ti maicōri, ĩre ejabuarūja mware. Ito yicōri queno tūoīañā mua, ĩre bajiro mua ñeñaro yibe yirona. <sup>2</sup> Mua rāca gānare oca iti ñaja, ĩnare ejabuaya mua. Ito bajiro mua yija, Jesucristo ī rotiro bajiroti cūdirā yirāji mua.

<sup>3</sup> Sigū “Ñeñaro yigu meje ña yuama. Ñasari masu ña yu”, ī yi tūoīaja, ĩmasiti ruoami ĩocū. <sup>4</sup> Ado bajiro mani tūoīaja quena: “¿Yu yirise quena ñarajada? Quenabetojada gajea”, yi tūoīarūja manire. Ito bajiro tūoīacōri, “Yu yirise quena ñaroja, Dios ī tija”, mani yi masija, wanurā yirāji mani. “Yu sigūti ña queno yigu. ĩnama queno yirā meje ñama”, yi tūoīabitirūja manire. <sup>5</sup> Masa jeyarore īna ñeñaro yirise waja, waja senigū yiguūji Dios. Ito bajiri ñeñaro mani yija iti waja manimasiti quenabeto tōbujarā yirāji mani.

<sup>6</sup> No Jesucristo oca mware riasogure ĩre ejabuarūja mware. Ito yicōri mua rucorise ĩre cūni jabeto ĩsiña.

<sup>7</sup> Queno tūoīañā mua. Jeyaro mani yirise masiguūji Dios. “Ñeñaro yu yija, masibiquūji Dios”, mani yi tūoīabojarocati, masi jeocōguūji Dios. Ñe ī masibiti manojā. Queno tūoya. Goti masiore ocana mware gotigu ya yu. Bia aje mani oteja, bia judiro yiroja. Mani otero bajiroti judiro yiroja. <sup>8</sup> Ito bajiroti bajia mani yirise cūni. Mani ya ruju ñeñaro yi āmorise mani yija, itire waja yirāonati jeame ūjuroju warā yirāji mani. Gajereama, Espiritu Santo ī āmoro bajiro mani yija, mani wanuroca yigu yiguūji ī. Ito yicōri Dios rāca catitūñarā yirāji mani īja.

<sup>9</sup> Ito bajiri quenarise yi jidicāmenati itire yitūñarūja manire. Quenarise mani yi

jidicābeja, Dios ī āmori r̄m̄m̄ ī goticato bajiroti manire queno yiḡu yiguīji ī. <sup>10</sup>Ito bajiri mani queno yi masirocō, masa jeyarore queno ejabuar̄ja manire. Ito yicōri manire bajiro Jesucristore t̄wor̄ñnr̄re c̄ni b̄to busa mani ejab̄aja quena.

### Pablo ī goti quenosusare gaye

<sup>11</sup>Adi ȳu gotis̄sarise, ȳmasiti uca ȳu. Tiya, wame c̄risena uca ȳu. <sup>12</sup>Wiro m̄are ta rotir̄ā, ḡajer̄ā judio masa r̄āca queno ñarona, m̄are rotir̄āji īna. “Jesucristona suoriti masare masoḡū yiguīji Dios, yi gua riasoja, ḡare ti tudir̄ā yir̄āji ḡajer̄ā judio masa. Ito bajiri gua t̄ob̄jaroca yir̄āji īna”, yi t̄oīa ḡiir̄ā ñama, m̄are wiro ta rotir̄ā. Itire ḡiir̄ā ito bajiro m̄are wiro ta rotir̄āji īna. <sup>13</sup>Wiro tagoana ñabobar̄āti, judio masa b̄c̄ur̄ā īna rotire gaye queno c̄di jeomenaji īna. C̄di jeomena ñabobar̄āti m̄are wiro ta rotir̄āji īna. “Galacia ḡānare wiro gua ta rotija t̄ocōri, ḡare wan̄r̄ā yir̄āji masa”, yi t̄oīacōri, ito bajiro m̄are rotibobar̄āji īna. <sup>14</sup>Īna robo riasobe a ȳama. Yuc̄t̄ēoj̄u Jesucristo ī godare oca ȳu riasoja, iti gayere riti wan̄a ȳu. Ȳare ī ejab̄arisena suoriti adi mac̄r̄uc̄ro gaye gajeonire b̄to t̄oīabea ȳu īja. Ito yicōri, īre masicōri adi mac̄r̄uc̄ro gaye ñeñarise yi āmobe a ȳu. <sup>15</sup>Mani wiro taja, mani tabeja c̄ni ñasarise meje ña iti. Itina suori meje manire masoḡū yiguīji Dios. Jesucristore t̄wor̄ñnr̄cōri mani ñeñaro yirise mani jidic̄aja, mame t̄oīare gaye ñaroja manire. Iti ña ñasarise. <sup>16</sup>Ñeñaro mani yirise jidic̄acōri, Jesucristore mani t̄wor̄ñnr̄ja, Dios ñar̄ā ñar̄āji mani īja. No ito bajiro t̄oīaḡure yiari Diore busi īsia ȳu. Īna ya ūsij̄u queno wan̄u quenajaro, yiroc̄u m̄are yiari Diore senisotia ȳu. Ito yicōri m̄are ī ti maitoni, m̄are yiari īre busia ȳu.

<sup>17</sup>Jesucristo oca ȳu goti ucujare ȳare ñeñaro yic̄ā masa. Ito bajiro ȳare īna yigore jaje camigodo ña ȳare. Ito bajiri itire ticōri, “Jesucristo oca goti ucuri mas̄u meje ñami Pablo”, yibeja m̄a īja.

<sup>18</sup>Ȳu ñar̄ā bajiroti m̄are maia ȳu. M̄a ya ūsij̄u ñacōri m̄are queno yijaro mani Ūj̄u Jesucristo, yis̄sa ȳu. Itocō ña.



(Gálatas 6.18)